

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

& putus sum à peccato , Prov. 20. vers. 9.
Lex requirit continuam & perfectam obe-
dientiam : sed justus cadit in die septies,
Prov. 24. vers. 16.

Quid fieri igitur nobiscum ? Sanè , si nulla
alia daretur justitia , quām propria & inhæ-
rens , nemo ingredi posset regnum cœlo-
rum . Sed esse bono animo , Vos mei , quod
legi impossibile erat , eò quod infirmabatur
per carnem , hoc præstítit Deus misso filio ,
qui agendo & patiendo pro nobis legem im-
plevit , ut justificatio legis in nobis implere-
tur , Rom. 8. vers. 3. In Christo igitur quæ-
renda est melior illa & abundantior justitia ,
qui factus est pro nobis maledictum , ut nos
à maledicto legis redimeret , Gal. 3. v. 13. ap-
plicatur nobis per fidem unde justitia fidei
appellatur , Phil. 3. vers. 9. Credenti enim in
eum qui justificat impium , fides imputatur
ad justitiam , Rom. 4. v. 5.

Si vis igitur meliorem hanc tibi compa-
rare justitiam , & per hanc ingredi in regnum
cœlorum , ad Christum confuge , qui est Je-
hova Zidkenu , Jer. 23. v. 6. & perfectio le-
gis ad salutem omni credenti , Rom. 10. v. 4.
de cuius plenitudine accepimus omnes gra-
tiam pro gratia , Joh. 1. v. 16. q. aeternam justi-
tian nobis praefixit . Ban. 9. 27. in eō fadigē
nobis iustitiae . Or. 1. 30.

De Secundo.

Restat pars altera de quinti præcepti ex-
plicatione , quam Christus non legi
Mosaicæ (nam hæc etiam odia & vindictæ
cupiditatem prohibet , Lev. 19. vers. 17. 18.)
sed glossæ Pharsaicæ opponit , quā exter-
num tantum homicidium damnabatur , sed
contra docet Christus violari quintum præ-
ceptum

I. *Opere.* Hoc est externum illud ho-

micideum , quo sanguis humanus effundi-
tur , & expressis verbis prohibetur Gen. 9.
vers. 6. 1. Johani. 3. vers. 15. Commititur
autem

1. *Per violentiam* , quacunque leniferâ
machinâ , qualis homicida fuit Cain , Gen.
4. vers. 8.

2. *Per fraudulentiam* , quando sub specie
singularis amicitiae alterius sanguis & vita
petitur , in quo censu homicidatum sunt
Saul , qui despunctione filiæ suæ vitæ Davi-
dis insidias struebat , 1. Sam. 18. v. 17. David
2. Sam. 11. v. 15. Absolon , 2. Sam. 13. vers. 28.
Ioab , 2. Sam. 3. v. 27. & 20. vers. 9. Iesabel ,
1. Reg. 21. v. 10. hi omnes nominantur viri
sanguinum & dolosi , de quibus Psalmista
ait , quod non sint dimidiatur dies suos ,
Psalm. 55. v. 24.

3. *Per negligentiam* , de qua specie ho-
micidei Basilius : Tot homines occidisti ,
quot neglexisti , si uivare potuisti. Id faciunt
1. qui Pauperes deserunt . 2. liberos in ju-
ventute negligunt , ut tandem furari & la-
trocinari incipiunt , & carnificis manus inci-
dant . 3. qui pauperum bona devorant , Sir.
34. v. 26. 4. qui sibi ipsis damnum vel mor-
tem inferunt , quounque fiat modo , five
cultro sive veneno , five rejectione medio-
rum ad conservandam vitam ab ipso Deo
ordinatorum , Sir. 38. v. 4. five etiam curis
intempestivis , Sir. 30. vers. 22. seqq. hi omnes
ἀδόχεις sunt , & cum homicidis partem
habebunt in stagno ardente sulphure &
igne , Apoc. 21. v. 8.

II. *Ore quod fit*

I. *Exacerbatione* , quando quis fratri
irascitur. Nam qui irascitur fratri , inquit
Christus , judicio reus est , ut nimis supplicium de eo sumatur.

Distinguendum tamen inter iram ordi-
nariam

nariam & nefariam. *Ordinaria ira*, quæ ex legitimo zelo adversus peccata provenit, h̄ic non prohibetur. Reclē enim irascuntur Ecclesia Ministri ob scelera suorum auditorum, quemadmodum Moses irascitur ob idolomaniam populi, Exod. 32. vers. 20. seqq. *Magistratus & Parentes* ob vitia subditorum & liberorum. Sed attendendum tamen semper illud Psalmi : Irascimini & nolite peccare, Ps. 4. v. 5. quod optimè fieri potest, quando ira in vitium, non in vi-
tiosum dirigitur.

Nefaria autem ira, quæ cum odio invi-
dencia erga personam conjuncta est, ad
quintum præceptum pertinet, & qui hoc
modo fratri irascitur, judicio se obnoxium
facit. Ita enim talis in sinu stulti requiescit,
Eccles. 7. v. 10. & justitiam Dei non opera-
tur, Jac. 1. v. 20. sed abominatio est coram
Domino, Sir. 27. vers. 33. Deponamus igitur
iram & indignationem, Col. 3. v. 8. & inimi-
citas, Gal. 5. v. 20. ne sol occidat super iram,
& Diabolo locus detur, Eph. 4. v. 26.

2. *In precatione*. Racha enim non tan-
tum hostiles gestus notat, quibus ceu signis
externis animi malevolentia erga proximum
ostenditur, ut exemplo Caini erga Abelem,
Gen. 4. v. 5. Labanis erga Jacobum, Gen.
31. v. 26. Saulis adversus Davidem, 1. Sam.
18. v. 9. manifestum est : sed vox etiam est
imprecandi, & diras notat quas multi ve-
nenato corde & ore in proximum evome-
re solent, dum innumerables Diaboloi um
myriadas, subitanam mortem, pestem, e-
pilepsiam, fulmen Jovis, & sexcenta impre-
cationum plausta alia in caput ejus cumu-
lant. Qui facit hoc, reus est judicii, inquit
Christus, & alludit his verbis ad politiam
Judæorum, qui in singulis civitatibus ha-
bebant synedrium parvum, quod constabat

ex viginti tribus judicibus, quibus potestas
erat cognoscere de causis controversis. Si
vero res incidebat nimis ardua, ad syned-
rium magnum deferebatur, quod erat Hiero-
solymis, & ex 72. Judicibus constabat.
Hoc igitur Christus vult dicere : Si quis ini-
micis gestibus in malas imprecações ex-
undet, proximumque diris devoveat, di-
gnum illum esse Concilio, hoc est, tantum
ejus esse peccatum, ut illius puniendo cau-
synedrium cogatur, ubi solenniter tanquam
putridum membrum excommunicetur, &
à corpore Ecclesiæ resecetur. Qui autem
Ecclesiæ non habet in his terris matrem,
non habebit etiam Deum in cœlis Patrem,
sed cum canibus foras projicietur, Apoc. 22.
vers. 15.

3. *Obtrectatione*, quando quis proximo
dicit, fatue, hoc est, convitiis ipsum gravat,
quibus fama & existimatio ejus laeditur. Hoc
qui audet, is aeterna gehennæ exitio pronun-
ciatur obnoxius, de quo vitio multa habet
Siracides, & ejusmodi obtrectatores palam
in numerum homicidarum ponit c. 28. v. 21.
seqq. homicida autem non hereditabit vi-
tam aeternam, Gal. 5. v. 2.

III. *Corde*, si quis odio prosequatur pro-
ximum, & reconciliationem nullam admit-
tere velit, 1. Johann. 3. v. 15. Hoc Christus im-
probat sub finem Evangelii. Si offers mu-
nustuum, inquit, ad altare, & ibi recorda-
tus fueris, quia frater tuus habeat aliquid
adversum te, relinquere ibi munus tuum ante
altare, & vade prius reconciliari fratri tuo,
& tunc veniens offer munus tuum. Ubi duo
nobis observanda veniunt :

I. *Fidele consilium*. Suadet enim Christus

1. *Deprecationem*.

2. *Condonationem*.

Deprecatio est partis ledentis. Qui enim of-
fen-

fendit proximum, debet agnoscere culpam, & dicere, pœnitit me, Luc. 17. v. 4. debet etiam damnum illatum compensare, sive læsio facta sit in bonis, sive in corpore, sive in fama, juxta Leges Exod. 21.v.28. Lev. 6.v. 5. Nam. 5.v.7.

Condonatio verò est partis Iesu. Quando enim venit, qui te verbis factis lexit, & culpam deprecatur, cave, ne morosè refrageris, aut amicam transactionem respucas, sed confessum absque omni mora benevolum te illi exhibe & placabilem. Hoc requirit Christiana charitas, quæ exacerbationem non patitur, 1. Cor. 13. v. 5.

II. Neglectonis dispensum, quod triplex

1. *Cultus vanitas.* Nullum enim sacrificium, nulla oratio, nulla eleemosyna Deo placet, nisi ex animo proficiscatur reconciliatio. Cum igitur steteris ad orandum, remitte prius, Marc. 11. v. 25. alioquin oratio tua fiet peccatum, Ps. 109. vers. 7. & pauperibus datus habeto charitatem, alias nihil tibi proderit, 1. Cor. 13. vers. 3. Hoc probè considerentisti, qui in odio vivunt cum proximo, & tamen ad sacram synaxin accedunt. Reconcilientur prius, & tum veniant, alias rei sicut corporis & sanguinis Christi, 1. Cor. 11. v. 27.

2. *Vita brevitas.* Nescimus quid serus vesper vehat, non differenda igitur reconciliatio, quo cunque enim loco cadet arbor, jacebit, Eccl. 11. v. 3.

3. *Pœna gravitas,* de qua Christus v. 25. ne tradat te adversarius iudici, & judex tradat te ministro, &c. Quibus verbis tres pœnatum gradus enumerantur.

I. *Ira iudicis.* Quia enim tales obstinati peccatores contra fideles pastorum suorum admonitiones in odio suo pergunt, & media reconciliationis omnia respuunt,

Deum judicem invenient, qui sententiam in verbo suo promulgatam, per ministrum suum Diabolum exequetur. Justus enim judex est, & quotidie minatur, si verò pœnitentia nulla sequitur, gladium vibrat, arcum tendit, & sagittas lethales in eo ponit, quas ad perdendum ejaculat, Ps. 7. vers. 12. seqq.

2. *Squalor carceris,* per quem infernus intelligitur. Sicut enim 1. Carcer tenebris scater, ita damnati jacent in tenebris densissimis, & lumen in æternū non vident, Ps. 49. v. 20. 2. Incarcerati vinculis & catenis constringuntur: Ita damnati catenis ligabuntur, & perpetua Satanæ mancipia erunt, confer 2. Pet. 2. v. 4. Ps. 18. vers. 6. Matth. 22. v. 13. Denique 3. sicut hi qui carcere detinentur, perpetuā macerantur tristitia, non solum propter delicta quæ commiserunt, verū etiam propter pœnas quas meruerunt: Ita damnatos etiam cruciabit conscientia delictorum, quæ pœna similitudine vermis non morientis adumbratur, Isa. 66. v. 24.

3. *Valor temporis.* Nam Christus jurat: Amen dico tibi, non egredieris illinc, donec extreum quadrantem persolvas. Hinc Pontificii argumentum ducunt pro astruendo igne suo purgatorio. Quia enim Christus dicit: non exhibis inde, donec persolveris extreum quadrantem, colligunt, esse oportere quandam locum posthanc vitam, ubi quis extreum quadranteum persolvere, seu pœnam peccatorum expiare valeat, quod trahunt voculam donec, quæ finem futuræ solutionis digito quasi intendi afferunt. Sed perperam. Nam vocula donec juxta Nazianzenum præteritum quidem tempus tollit, futurum autem non semper. Exempla vide Gen. 8. v. 7. 2. Sam. 6.

Dd

v. ult.

Dominica VII. post Trinitatis.

v.ult. Ps.110. vers.1. intelligenda igitur sunt verba secundum subjectam materiam. Jam autem de odio Christus loquitur, quod mortale peccatum, & eterna poenam dignum

est, Gal.5. v.21. Quocirca non de purgatorio, sed de inferno carcer hic intelligendus erit, ex quo nulla redemptio, Ps.49. vers.15.

*Dominica VII. post Trinitatis.**Evangelium Marc. 8 vers. 1. 9.*

Cum Israelitae in deserto flagrarent desiderio carnium, & murmurantes contra Mosen dicerent: Quis dabit nobis carnes ad velendum? recordamur pisces, quos comedebamus in Aegypto, &c. audiebat Deus murmur eorum, & dixit ad Mosen: Præcipe populo, ut sanctificentur in crastinum. Dabo vobis carnes, ut comedatis non uno die, neque duobus, vel quinque aut decem, nec viginti quidem, sed per totum mensem, donec exeat per narres vestras & vertatur in nauseam. Hoc Moysi impossibile videatur, & proinde sic insit ad Dominum: Sexcenta millia peditum hujus populi sunt, & tu dicis: dabo eis esum carnium mense integrum? nunquid ovium & boum multitudo cedatur ut possit sufficere ad cibum, vel omnes pisces maris in unum congregabuntur, ut eos satient: cui respondeat Dominus: nunquid manus Domini invalida est? Jam nunc videbis, utrum meus sermo opere compleatur. Et ecce ventus egrediens à Domino abripuit coturnices mari, & in castra Israelitarum demisit, Num. 11.v.4.18. seqq.

Parem ferè historiam habemus in praetato Evangelio. Convenientia est

1. *In cibatione*, utramque Christus perfecit, 1. Cor. 10. v.4. & quidem insigni miraculo. Ibi coturnices adduxit: hic panes multiplicavit, ut plus in residuo manserit, quam ante in parato aderat.

2. *In dubitatione*. Sicut enim Moysi ibi dubitabat, & cibationem populi Israelitici propter copiosam multitudinem impossibile judicabat, quamvis iamtum viderat, panem cœlitum depletum, & aquam de saxo profluentem, Exod. 17. vers. 6. Ita hīc dubitant Apostoli dicentes: Unde sumemus panes in deserto, ut saturemus turbam hanc copiosam? cum tamen ante vidissent, quod quinque panibus hordeaceis quinque virorum millia cibaverat, Joh. 6.v.12.

3. *In loci conformatione*. Utrumque enim miraculum in deserto peractum est, quod facit ad majorem splendorem miraculi, Deus enim quām libentissimè auxiliatur, cum media nulla humana suppetunt, ut omnes uno ore fateantur: hoc Dei opus est, Ps. 64. v.10.

Nos ad manus sumemus ipsam historiam, & tribus membris totam concionem includemus.

I. Videbimus Christi clementiam.

II. Apostolorum diffidentiam.

III. Miraculi excellentiam.

J.J.

EXEGESIS.

Lauda Jerusalem Dominum, lauda Deum tuum Sion, quoniam confortavit